

Broj: 01-02-2- 439-21 /22Banja Luka, 29.12. 2022. godine**REGIONALNIM CENTRIMA
ODSJEKU ZA CARINSKE POSLOVE****Predmet: Pojašnjenje u vezi obračuna i plaćanja poreza na dodatu vrijednost za izvršene usluge prevoza putnika koji vrši strani prevoznik putnika na teritoriji BiH, dostavlja se**

Članom 8. Pravilnika o izmjenama Pravilnika o primjeni Zakona o porezu na dodatu vrijednost ("Službeni glasnik BiH", broj 47/20) dodat je novi član 78a. (Obračun i plaćanje PDV stranog prevoznika putnika), kojim je regulisan obračun i plaćanje poreza na dodatu vrijednost (PDV) za izvršene usluge prevoza putnika koji vrši strani prevoznik putnika na teritoriji BiH, te su propisani odgovarajući obrasci koji se za to koriste pri ulasku i pri izlasku sa teritorije BiH, zavisno da li je strani prevoznik putnika registrovan u BiH putem poreskog punomoćnika koji ima sjedište u BiH ili strani prevoznik putnika nije registrovan u BiH putem poreskog punomoćnika.

Obzirom da se postupak oporezivanja za usluge prevoza putnika koji vrše strani prevoznici putnika na teritoriji BiH, propisan prednje navedenim članom 78a. Pravilnika o primjeni Zakona o porezu na dodatu vrijednost, provodi u carinskom uredu na graničnom prelazu ulaska stranog prevoznika putnika u BiH (u daljem tekstu: *ulazni carinski ured*) odnosno u carinskom uredu na graničnom prelazu izlaska iz BiH stranog prevoznika putnika iz BiH (u daljem tekstu: *izlazni carinski ured*), stoga u vezi navedenog oporezivanja, a u cilju jednoobraznog postupanja nadležnih organizacionih jedinica Sektora za carine, dajemo određena pojašnjenja kako slijedi u nastavku teksta ovog akta.

I – PREDMET OPOREZIVANJA, PORESKI OBVEZNIK, OBRASCI

1. **Predmet oporezivanja je** svaki prevoz putnika (*autobus, minibus i drugo vozilo licencirano za prevoz putnika*) koji vrši strani prevoznik putnika na teritoriji BiH.

Obuhvata linijski (redovan) i (vanlinijski) prevoz, prevoz do odredišta u BiH i nazad, prevoz preko teritorije BiH (tranzit) - svaki prelazak (prevoz) preko teritorije BiH.

2. **Poreski obveznik je:**

- svako lice koje vrši prevoz putnika na teritoriji BiH, a koje nema sjedište, odnosno prebivalište u BiH (strani preduzetnik, pravno lice i sl.),
- poreski punomoćnik sa sjedištem na teritoriji BiH kojeg odredi strani prevoznik putnika i koji ima prava i obaveze u skladu sa članom 60. Zakona o porezu na dodatu vrijednost ("Službeni glasnik BiH", br. 9/05, 35/05, 100/08 i 33/17).

3. **Obračun i plaćanje PDV** od strane stranog prevoznika putnika provodi se korištenjem propisanih **obrazaca** i to:

- 3.1. Obrazac **SPP-PDV I** --- Prijava prevoza putnika --- koji obrazac popunjava strani prevoznik putnika koji ima poreskog punomoćnika u BiH i podnosi ga carinskom uredu na ovjeru, u dva

primjerka, pri ulasku i pri izlasku sa teritorije BiH, od kojih jedan primjerak zadržava postupajući ulazni i izlazni carinski ured;

- 3.2. Obrazac **SPP-PDV** --- Prijava za obračun PDV stranom prevozniku putnika koji nema poreskog punomoćnika na teritoriji BiH --- koji obrazac strani prevoznik putnika pri ulasku i pri izlasku iz BiH popunjava i podnosi ulaznom odnosno izlaznom carinskom uredu;
- 3.3. Obrazac **SPP-PDV UC** --- Potvrda o obračunatom PDV stranom prevozniku putnika koji nema poreskog punomoćnika na teritoriji BiH --- koji popunjava i izdaje ulazni carinski ured (pri ulasku stranog prevoznika putnika u BiH) u dva primjerka, a prema podacima iz obrasca SPP-PDV;
- 3.4. Obrazac **SPP-PDV IC** --- Potvrda o iznosu ukupno obračunatog i plaćenog PDV koji je obračunat stranom prevozniku putnika koji nema poreskog punomoćnika u BiH --- koji izdaje izlazni carinski ured (pri izlasku iz BiH), u dva primjerka, prije nego strani prevoznik putnika napusti teritoriju BiH.

II - POSTUPANJE PRI ULASKU

Strani prevoznik putnika izjašnjava se da li ima poreskog punomoćnika u BiH i, u zavisnosti od toga, podnosi obrazac SPP-PDV I, odnosno obrazac SPP-PDV.

4. Postupanje *pri ulasku*, kada strani prevoznik putnika *ima* poreskog punomoćnika u BiH:

- 4.1. Strani prevoznik putnika **koji ima poreskog punomoćnika u BiH, pri ulasku u BiH**, popunjava i podnosi ulaznom carinskom uredu na ovjeru obrazac **SPP-PDV I**, u dva primjerka;
 - na internet stranici UIO <https://www.uino.gov.ba/portal/bs/novosti/strani-prevoznici-putnika/>, na svakom od jezika u službenoj upotrebi u BiH, kao i na engleskom jeziku, dostupan je taj obrazac, kao i obavještenje stranim prevoznicima putnika o stupanju na snagu Pravilnika o izmjenama Pravilnika o primjeni Zakona o porezu na dodatu vrijednost ("Službeni glasnik BiH", broj 47/20),
 - ulazni carinski ured obezbijediće odštampan obrazac SPP-PDV I koji se, ako strani prevoznik putnika već nema taj obrazac, može dati prevozniku da isti popuni, nakon čega
 - strani prevoznik putnika popunjava i potpisuje obrazac **SPP-PDV I**, u dva primjerka, te ga podnosi na ovjeru ulaznom carinskom uredu;
- 4.2. Postupajući carinski službenik ulaznog carinskog ureda u Informacioni podsistem "ExDisc 2011 - Prevoznik putnika" (u daljem tekstu: "ExDisc 2011") vrši unos podataka iz podnijetog **SPP-PDV I** obrasca na način naveden u Objašnjenju iz tačke 10. ovog akta;
- 4.3. Pri unosu u "ExDisc 2011", **ako se radi o tranzitu** (nema određena stanica u BiH) pri kojem je pri ulasku obuhvaćena cijela relacija kroz BiH od graničnog prelaza (GP) pri ulasku do GP pri izlasku, čeka se **polje "TR"**;
- 4.4. Ulazni carinski ured provjerava podatke navedene u obrascu SPP-PDV I:
 - registracione - naziv punomoćnika i da li je to punomoćnik stranog prevoznika putnika,
 - **provjerom u sistemu** da li je punomoćnik sa navedenim ID brojem upisan u Jedinствeni registar obveznika indirektnih poreza,
 - **vizuelno**, da li se naziv punomoćnika odnosi na tog stranog prevoznika putnika (u nazivu punomoćnika pri registraciji navodi se naziv obveznika kojeg on zastupa (za stranog prevoznika putnika pod nazivom npr. "NORDTURIST", GmbH Njemačka punomoćnik bi nosio naziv npr. "NORDTURIST" GmbH Njemačka zastupan po poreskom punomoćniku ŠPED ŠPED d.o.o.),
 - broj putnika,
 - logička kontrola iskazanog broja kilometara koje vozilo prelazi u BiH,

- vizuelna kontrola ispravnosti iskazanog iznosa PDV u polju 14 obrasca,
 - obračun iznosa u polju 10, 11, 12, 13 i 14 *vrši se* automatski u "ExDisc 2011", te ukoliko iznos u polju 14 obrasca SPP-PDV I podnijetog od strane stranog prevoznika putnika ne odgovara iznosu koji je iskazan u "ExDisc 2011" postupajući carinski službenik ukazuje prevozniku na odstupanje koje je nastalo u nekom od polja 10, 11, 12, 13 i 14, koje može imati za posljedicu pogrešno prijavljivanje obaveze od strane njegovog poreskog punomoćnika u PDV prijavi;
 - ako strani prevoznik putnika ne izvrši ispravku pogrešno iskazanih iznosa u polju 10, 11, 12, 13 ili 14 u obrascu SPP-PDV I, bez daljeg traženja, iznosi koji su iskazani u "ExDisc 2011" potvrđuju se u "ExDisc 2011" na isti način kao i u slučaju u kojem nije utvrđeno odstupanje;
- 4.5. Ulazni carinski ured vrši ovjeru oba primjerka podnijetog obrasca SPP-PDV I navođenjem broja i datuma iz kontrolnika u kojem je isti evidentiran u "ExDisc 2011", nakon čega jedan primjerak obrasca vraća stranom prevozniku putnika, a drugi primjerak zadržava;
- 4.6. Ulazni carinski ured ne vrši zaduženje obrasca SPP-PDV I u Informacionom sistemu ostali prihodi (u daljem tekstu: ISOP);
- 4.7. Nema obaveze plaćanja PDV.

5. Postupanje *pri ulasku*, kada strani prevoznik putnika *nema* poreskog punomoćnika u BiH:

- 5.1. Strani prevoznik putnika **koji nema poreskog punomoćnika u BiH, *pri ulasku u BiH***, popunjava i podnosi ulaznom carinskom uredu na ovjeru obrazac **SPP-PDV**, u dva primjerka;
- na internet stranici UIO <https://www.uino.gov.ba/portal/bs/novosti/strani-prevoznici-putnika/> na svakom od jezika u službenoj upotrebi u BiH, kao i na engleskom jeziku, dostupan je taj obrazac, kao i obavještenje stranim prevoznicima putnika o stupanju na snagu Pravilnika o izmjenama Pravilnika o primjeni Zakona o porezu na dodatu vrijednost ("Službeni glasnik BiH", broj 47/20),
 - ulazni carinski ured obezbijediće odštampan obrazac SPP-PDV koji se, ako strani prevoznik putnika već nema obrazac, može dati prevozniku da isti popuni, nakon čega
 - strani prevoznik putnika popunjava i potpisuje obrazac **SPP-PDV**, u dva primjerka, te ga podnosi na ovjeru ulaznom carinskom uredu;
- 5.2. Postupajući carinski službenik ulaznog carinskog ureda u "ExDisc 2011" vrši unos podataka iz podnijetog **SPP-PDV** obrasca na način naveden u Objašnjenju iz tačke 10. ovog akta;
- 5.3. Pri unosu u "ExDisc 2011", **ako se radi o tranzitu** (nema odredišna stanica u BiH) pri kojem je pri ulasku obuhvaćena cijela relacija kroz BiH od GP pri ulasku do GP pri izlasku, čekira se **polje "TR"**;
- 5.4. Ulazni carinski ured provjerava podatke navedene u obrascu SPP-PDV:
- broj putnika,
 - logička kontrola iskazanog broja kilometara koje vozilo prelazi u BiH,
 - vizuelna kontrola ispravnosti iskazanog iznosa PDV u polju 14 obrasca,
 - obračun iznosa u polju 10, 11, 12, 13 i 14 *vrši se* automatski u "ExDisc 2011",
 - kreiranje broja Potvrde SPP-PDV UC *vrši se* automatski u "ExDisc 2011";
- 5.5. Ulazni carinski ured vrši ovjeru oba primjerka podnijetog obrasca **SPP-PDV** navođenjem broja i datuma iz kontrolnika u kojem je isti evidentiran u "ExDisc 2011" i jedan primjerak vraća stranom prevozniku putnika zajedno sa Potvrdom SPP-PDV UC koju taj ured izdaje u dva primjerka, od kojih jedan primjerak zadržava taj ured;
- 5.6. Ulazni carinski ured obavještava stranog prevoznika putnika da:
- plaćanje ukupnog iznosa obaveze (za cijelu relaciju kroz BiH) može izvršiti u gotovini na izlazu iz BiH (u izlaznom carinskom uredu), ili

- ako neće vršiti plaćanje u gotovini u punom iznosu na izlazu iz BiH, da isto može izvršiti po parametrima iz uručenog mu Uputstva za popunjavanje uplatnice;
- 5.7. Ako strani prevoznik putnika odluči da neće vršiti plaćanje u gotovini u punom iznosu pri izlasku iz BiH, ulazni carinski ured obavještava stranog prevoznika putnika da je dužan pri izlasku sa teritorije BiH predložiti izlaznom carinskom uredu dokaz o uplati na način naveden u Uputstvu za popunjavanje uplatnice koje mu uručuje, i to u ukupnom iznosu PDV koji predstavlja zbir iznosa navedenog u Potvrdi SPP-PDV UC i na istovjetan način obračunatog PDV (obračun vrši sam strani prevoznik putnika) za eventualnu relaciju od odredišta u BiH do GP izlaska iz BiH. Pri uručanju Uputstva za popunjavanje uplatnice stranom prevozniku putnika, ulazni carinski ured, u predviđenom polju upisuje šifru opštine za uplatu javnih prihoda kojoj pripada taj ulazni carinski ured;
- 5.8. Ulazni carinski ured koji je sačinio Potvrdu SPP-PDV UC ne vrši zaduženje iste u ISOP;
- 5.9. U ovom momentu nema obaveze plaćanja PDV-a u ulaznom carinskom uredu.

II - POSTUPANJE PRI IZLASKU

6. Postupanje *pri izlasku*, kada strani prevoznik putnika *ima* poreskog punomoćnika u BiH

- 6.1. Strani prevoznik putnika **koji ima poreskog punomoćnika u BiH, pri izlasku iz BiH**, popunjava i podnosi izlaznom carinskom uredu na ovjeru obrazac **SPP-PDV I**, u dva primjerka (relacija 2), na osnovu kojeg taj ured vrši unos podataka u "ExDisc 2011";
- unos u "ExDisc 2011" podataka iz polja 1 do 9 podnijetog obrasca **SPP-PDV I** (ako nije čekirano polje "TR") vrši izlazni carinski ured, uz pozivanje na broj kontrolnika pri ulasku u BiH;
 - ako se radi o **tranzitu** (nema promjena u broju putnika niti odredišna stanica u BiH) pri kojem je *pri ulasku obuhvaćena cijela relacija prevoza kroz BiH*, strani prevoznik putnika ne popunjava polje 7, 8 i 9 obrasca SPP-PDV I (ili navodi 0), jer u tom slučaju nema izmjena u podacima obrasca SPP-PDV I u odnosu na obrazac SPP-PDV I koji je ovjeren od strane ulaznog carinskog ureda pri ulasku u BiH. Naime, unosom poziva na broj kontrolnika obrasca SPP-PDV I ovjerenog pri ulasku u BiH, navedena polja automatski se popunjavaju u "ExDisc 2011". Ako strani prevoznik putnika pri izlasku iz BiH ne dostavi prijavu prevoza na kojoj su navedeni istovjetni podaci kao na prijavi prevoza (obrascu SPP-PDV I) pri ulasku u BiH, kao prijava stranog prevoznika putnika pri izlasku iz BiH može se prihvatiti predočenje primjerka obrasca SPP-PDV I ovjerenog pri ulasku u BiH (u "ExDisc 2011" evidentiran pod SPP-PDV I - TR), pri čemu izlazni carinski ured ovjerava taj predočeni primjerak SPP-PDV I obrasca i vraća ga prevozniku, uz sačinjavanje njegove kopije za potrebe unosa podataka u "ExDisc 2011";
- 6.2. Izlazni carinski ured provjerava podatke iz obrasca SPP-PDV I:
- registracione - naziv punomoćnika i da li je to punomoćnik stranog prevoznika putnika,
 - **provjerom u sistemu** da li je punomoćnik sa navedenim ID brojem upisan u Jedinstveni registar obveznika indirektnih poreza,
 - **vizuelno**, da li se naziv punomoćnika odnosi na tog stranog prevoznika putnika (u nazivu punomoćnika pri registraciji navodi se naziv obveznika kojeg on zastupa (za stranog prevoznika putnika pod nazivom npr. "NORDTURIST", GmbH Njemačka punomoćnik bi nosio naziv npr. "NORDTURIST" GmbH Njemačka zastupan po poreskom punomoćniku ŠPED ŠPED d.o.o.),
 - broj putnika,
 - logička kontrola iskazanog broja kilometara koje vozilo prelazi u BiH, pri čemu je neophodno obratiti pažnju da, ako nije u pitanju prijava koja je čekirana sa "TR", da se u tom slučaju unosi broj kilometara od odredišta u BiH do izlaznog GP,
 - vizuelna kontrola ispravnosti iskazanog iznosa PDV u polju 14 obrasca

- obračun iznosa u polju 10, 11, 12, 13 i 14 *vrši se* automatski u "ExDisc 2011", te ukoliko iznos u polju 14 obrasca SPP-PDV I podnijetog od strane stranog prevoznika putnika ne odgovara iznosu koji je iskazan u "ExDisc 2011" postupajući carinski službenik ukazuje prevozniku na odstupanje koje je nastalo u nekom od polja 10, 11, 12, 13 i 14, koje može imati za posljedicu pogrešno prijavljivanje obaveze od strane njegovog poreskog punomoćnika u PDV prijavi;
 - ako strani prevoznik putnika ne izvrši ispravku pogrešno iskazanih iznosa u polju 10, 11, 12, 13 ili 14 u obrascu SPP-PDV I, bez daljeg traženja, iznosi koji su iskazani u "ExDisc 2011" potvrđuju se u "ExDisc 2011" na isti način kao i u slučaju u kojem nije utvrđeno odstupanje;
- 6.3. Izlazni carinski ured vrši ovjeru oba primjerka podnijetog obrasca SPP-PDV I navođenjem broja i datuma iz kontrolnika u kojem je isti evidentiran u "ExDisc 2011", nakon čega jedan primjerak vraća stranom prevozniku putnika, a drugi primjerak zadržava;
 - 6.4. Ako u "ExDisc 2011" ne postoje podaci niti strani prevoznik putnika predoči primjerak obrasca SPP-PDV I ovjeren pri ulasku u BiH, izlazni carinski ured popunjava u "ExDisc 2011" obrazac **SPP-PDV I - TR** za cijelu relaciju kroz BiH (a prema izjavi stranog prevoznika putnika odnosno stvarnim podacima o relaciji prevoza od ulaznog GP do izlaznog GP), te nakon toga razdužuje taj obrazac popunjavajući podatke za **SPP-PDV I** pri izlasku iz BiH;
 - 6.5. Ulazni carinski ured ne vrši zaduženje obrasca SPP-PDV I u ISOP;
 - 6.6. Nema obaveze plaćanja PDV.

7. Postupanje *pri izlasku*, kada strani prevoznik putnika *nema* poreskog punomoćnika u BiH:

- 7.1. Strani prevoznik putnika **koji nema poreskog punomoćnika u BiH, *pri izlasku iz BiH***, popunjava i podnosi izlaznom carinskom uredu na ovjeru obrazac **SPP-PDV**, u dva primjerka (relacija 2), na osnovu kojeg taj ured vrši unos podataka u "ExDisc 2011";
 - izlazni carinski ured obezbijediće odštampam obrazac SPP-PDV koji se, ako strani prevoznik putnika već nema obrazac, može dati prevozniku da isti popuni, nakon čega
 - strani prevoznik putnika popunjava i potpisuje obrazac **SPP-PDV** (za relaciju 2 - od odredišta u BiH do izlaznog GP), u dva primjerka, te ga podnosi na ovjeru izlaznom carinskom uredu, na osnovu kojeg taj ured vrši unos podataka u "ExDisc 2011",
 - ako se radi o **tranzitu** (nema promjena u broju putnika niti odredišna stanica u BiH) pri kojem je *pri ulasku obuhvaćena cijela relacija prevoza kroz BiH*, strani prevoznik putnika ne popunjava polje 5, 6 i 7 obrasca SPP-PDV (ili navodi 0), jer u tom slučaju nema izmjena u podacima obrasca SPP-PDV u odnosu na obrazac SPP-PDV koji je ovjeren od strane ulaznog carinskog ureda pri ulasku u BiH. Naime, unosom poziva na broj kontrolnika obrasca SPP-PDV ovjerenog pri ulasku u BiH, navedena polja automatski se popunjavaju u "ExDisc 2011". Ako strani prevoznik putnika pri izlasku iz BiH ne dostavi prijavu prevoza na kojoj su navedeni istovjetni podaci kao na prijavi prevoza pri ulasku u BiH, kao prijava stranog prevoznika putnika pri izlasku iz BiH može se prihvatiti predočenje obrasca SPP-PDV ovjerenog pri ulasku u BiH (u "ExDisc 2011" evidentiran pod SPP-PDV - TR), pri čemu izlazni carinski ured ovjerava taj predočeni primjerak obrasca SPP-PDV i vraća ga prevozniku, uz sačinjavanje njegove kopije za potrebe unosa podataka u "ExDisc 2011";
- 7.2. Pored popunjenog obrasca **SPP-PDV** iz tačke 7.1. druga alineja, odnosno kopije obrasca **SPP-PDV** iz tačke 7.1. treća alineja ovog akta, strani prevoznik putnika pri izlasku iz BiH dužan je predočiti primjerak *Potvrde SPP-PDV UC* ovjeren od strane ulaznog carinskog ureda pri ulasku u BiH;
- 7.3. Ako strani prevoznik putnika pri izlasku iz BiH ne posjeduje i ne predoči primjerak *Potvrde SPP-PDV UC* koji je ovjeren od strane ulaznog carinskog ureda pri ulasku u BiH, te ukoliko isti obrazac nije evidentiran u "ExDisc 2011", strani prevoznik putnika pri izlasku iz BiH popunjava i potpisuje obrazac **SPP-PDV**, u dva primjerka, te ga podnosi na ovjeru izlaznom carinskom uredu, u kojem je dužan navesti broj kilometara kroz BiH na relaciji od ulaznog GP

do izlaznog GP. Izlazni carinski ured unosi podatke iz obrasca **SPP-PDV** kreiranjem *Potvrde SPP-PDV UC pošto ista nije sačinjena prilikom ulaska u BiH*;

- 7.4. Na osnovu podataka iz obrasca SPP-PDV iz tačke 7.1. odnosno iz tačke 7.1. druga alineja (i eventualno iz obrasca **SPP-PDV** sačinjenog pri izlasku iz BiH shodno tački 7.3. ovog akta), izlazni carinski ured sačinjava i izdaje Potvrdu SPP-PDV IC.
- 7.5. Unos u "ExDisc 2011" podataka iz polja 1 do 9 obrasca **SPP-PDV** vrši izlazni carinski ured, pri čemu je neophodno obratiti pažnju na podatak o broju kilometara da se isti unosi samo za relaciju od odredišta u BiH do izlaznog GP:
- 7.6. Ako je shodno pozivu na broj obrasca (Potvrde) SPP-PDV UC isti u "ExDisc 2011" pri ulasku čekiran u polju "TR", pri unosu istog potrebno je obratiti pažnju da se podaci u polju 1 do 8 ne unose (kao što je navedeno u tački 6.1. druga alineja ovog akta - vrijednosti su automatski upisane od strane "ExDisc 2011"). Međutim, ako postoji razlika u podatku o broju kilometara u BiH, broju putnika i ukupne vrijednosti svih karata u odnosu na podatke iz Potvrde SPP-PDV UC, tada se pri unosu u "ExDisc 2011" ne čekira polje "TR" nego se unosi razlika između ranijih i novih podataka;
- 7.7. Strani prevoznik putnika koji je odlučio da plaćanje PDV neće vršiti u gotovini pri izlasku iz BiH dužan je izlaznom carinskom uredu predočiti dokaz (kopija uplatnice/a) o plaćanju iznosa PDV koji je jednak iznosu ukupno obračunatog PDV u Potvrdi SPP-PDV IC;
- 7.8. Strani prevoznik putnika, po principu obračuna na *Potvrdi SPP-PDV UC, prije napuštanja teritorije BiH*, vrši obračun iznosa PDV koji, *sa pozivom na broj Potvrde SPP-PDV UC*, plaća (elektronsko plaćanje ili plaćanje putem uplatnice kod banke, pošte) prije napuštanja teritorije BiH za svaki prevoz.
- 7.9. Strani prevoznik putnika koji nije vršio djelimično ili potpuno plaćanje shodno Potvrdi SPP-PDV UC ima mogućnost izvršiti plaćanje u izlaznom carinskom uredu pologom u gotovini ukupno utvrđenog iznosa PDV po izdatoj Potvrdi SPP-PDV IC.
- 7.10. Nakon predočenja dokaza o uplaćenom, odnosno po prijemu gotovinskog pologa, u ukupnom iznosu obračunatog PDV po Potvrdi SPP-PDV IC, izlazni carinski ured uručuje stranom prevozniku putnika Potvrdu o iznosu ukupno obračunatog i plaćenog PDV - obrazac SPP-PDV IC;
- 7.11. Za primljene pologe u gotovini na jedan datum ili određeni period izlazni carinski ured u "ExDisc 2011" sačinjava Specifikaciju, koja obuhvata sve Potvrde (obrasce) SPP-PDV IC po kojima je za taj datum ili period izvršena naplata u gotovini.
Specifikacija se kreira za sve uplate u punom iznosu u gotovini na GP izlaza od posljednje kreirane Specifikacije, ne uzimajući u obzir mogućnost odabira konkretnog obrasca, datuma ili perioda;
- 7.12. Shodno kreiranoj Specifikaciji, izlazni carinski ured vrši uplatu gotovinski naplaćenog PDV obuhvaćenog Specifikacijom, sa pozivom na broj Specifikacije.

IV - POSTUPANJE U ISOP

- 8.1. Zaduženje obaveza u ISOP vrši carinski službenik izlaznog carinskog ureda na osnovu dokumenata:
 - Specifikacije i
 - Potvrde SPP-PDV IC po kojoj nije sačinjena Specifikacija;
- 8.2. Pri zaduživanju dokumenta u ISOP koriste se sljedeći elementi:
 - kontrolnik broj: 44
 - vrsta prihoda: 717111
 - broj dokumenta: poziv na broj (broj naveden na Specifikaciji, odnosno broj Potvrde SPP-PDV IC koja je u pitanju);

- 8.3. Uplate i obaveze u okviru kontrolnika sravnjavaju se prema broju dokumenta, a koji istovremeno predstavlja "poziv na broj" koji se koristi prilikom plaćanja.

Napomena: prilikom plaćanja predmetne obaveze u polju "vrsta prihoda" platnog naloga upisuju se sve nule (000000).

- 8.4. Carinski službenik izlaznog carinskog ureda, uvidom u ISOP, vrši razduženje Specifikacije, odnosno Potvrde SPP-PDV IC navodeći referentni broj iz ISOP pod kojim je uplata u istom evidentirana.

V - OSTALO

9. Šefovi carinskih referata i vođe smjena u carinskim referatima na graničnim prelazima dužni su o ovom aktu upoznati zaposlene i pružiti im neophodnu stručnu pomoć u vezi pitanja na koje se isti odnosi, te nadzirati i kontrolisati njegovo pravilno provođenje.

Takođe, o ovom aktu dužni su, na pogodan način, upoznati i učesnike u carinskom postupku.

10. Način unošenja i obrada podataka i druge radnje koje se provode u "Ex Disc 2011" u postupanju po ovom aktu bliže su uređene Objašnjenjem o načinu korištenja modula koji se odnosi na obračun i plaćanje PDV stranog prevoznika putnika u "Ex Disc 2011".
11. Ovim aktom zamjenjuje se akt broj: 04-02-2-439-17/22 od 16.09.2022. godine.
12. Ovaj akt **primjenjuje se od 01. januara 2023. godine**, kojeg dana se pušta u upotrebu "ExDisc 2011 - Prevoznik putnika".
13. Ovaj akt objavljuje se na Web stranici UIO: www.uino.gov.ba u dijelu "Naslovna" - Obavještenje za strane prevoznike - <https://www.uino.gov.ba/portal/bs/novosti/strani-prevoznici-putnika/>.

Dostavljeno:

1. Naslovu, 4x
2. Kabinetu direktora
3. Sektorima i Odjeljenjima u UIO
4. Web stranica UIO
5. a/a



DIREKTOR

Miro Džakula
Dr. MIRO DŽAKULA